

ТОБОЛЬСКІЯ ЕПАРХІАЛЬНЫЯ ВѢДОМОСТИ.

№ 24.

16-го декабря 1902 года.

ОТДѢЛЪ НЕОФФИЦІАЛЬНЫЙ.

РѢДКІЙ ПАМЯТНИКЪ

Сибирской духовной письменности первой половины XVII вѣка.

Главной святыней нашей Тобольской епархіи служитъ чудотворная икона Божіей Матери, извѣстная подъ именемъ Абалакской. Относительно этой иконы, въ цѣляхъ какъ назидательныхъ, такъ и чисто научныхъ, въ XIX вѣкѣ были издаваемы разными лицами брошюры и печатались въ нѣкоторыхъ періодическихъ изданіяхъ статьи. Болѣе подробное и обстоятельное сочиненіе объ этой святынѣ принадлежитъ перу извѣстнаго историка нашей епархіи, прот. А. И. Сулоцкаго, такъ что всѣ остальные литературныя произведенія XIX вѣка объ Абалакской иконѣ имѣютъ своимъ ближайшимъ источникомъ именно трудъ прот. Сулоцкаго. Самъ же прот. Сулоцкій,—по его словамъ,—свѣдѣнія объ этой иконѣ заимствовалъ: 1) изъ Древней Вивліюѣики, 2) изъ рукописной Сибирской лѣтописи, принадлежащей Тоб. семинаріи, а преимущественно 3) изъ рукописной же книги: о чудесахъ Абалакской Божіей Матери, находящейся въ Абалакскомъ Знаменскомъ монастырѣ. „Эта послѣдняя, — говоритъ о. Сулоцкій, — почти вся писанная уставомъ, первоначально написана была въ 1647 г., по благословенію 4-го Тоб. архіепископа Герасима; но впоследствии, по мѣрѣ событій, была продолжаема. Изъ нея-то сказаніе о построеніи на Абалакѣ церкви, вслѣдствіе явленій Божіей Матери, и о написаніи самой чудотворной иконы взято было даже и въ „За-

писки, до Сибирской исторіи относящіяся“, напечатанныя въ 3-й части вышеупомянутой Древней Россійской Вивліюэки, въ рукописную, также упомянутую выше, „Сиб. Лѣтопись“. ¹⁾ Такимъ образомъ, для прот. Сулоцкаго былъ собственно одинъ источникъ, именно рукописная книга, находящаяся въ Абалакскомъ монастырѣ. Къ сожалѣнію, мы незнакомы съ этой рукописью. Но на основаніи другихъ словъ самого о. протоіерея ²⁾ вполне увѣрены, что эта рукопись представляетъ собой не первоначальную редакцію сказанія объ Абалакской иконѣ, а позднѣйшую, въ которой свѣдѣнія о происхожденіи Абалакской иконы и о первыхъ чудесахъ отъ нея могли быть заимствованы, конечно, и изъ древнѣйшаго сказанія, писаннаго по благословенію архіепископа Герасима, но во всякомъ случаѣ не безъ измѣненій и дополненій. На такую же мысль наводитъ насъ сходство Абалакской рукописи (насколько можно судить о ея содержаніи по сочиненію прот. А. Сулоцкаго) съ рукописью, принадлежавшею Тобольскому кафедральному собору, нынѣ переданною въ Тоб. церковное древлехранилище, гдѣ она значится подъ № 326 по хронологической описи. Последняя рукопись принадлежитъ концу XVIII вѣка и заключаетъ въ себѣ сказанія о трехъ чудотворныхъ иконахъ Тобольской епархіи, въ томъ числѣ и объ Абалакской иконѣ. Сказаніе объ Абалакской иконѣ занимаетъ тамъ 13—45 лл. и представляетъ собою списокъ съ болѣе ранней рукописи, какъ это видно изъ приписки, сдѣланной послѣ сказанія объ Абалакской иконѣ: „а после того, какіе чудотвореніи были, въ той книге уже записокъ никакихъ нѣтъ“. Полное заглавіе этого сказанія таково: „Сказаніе известное о явленіи и о различныхъ чудесахъ Пресвятыя Владычицы нашея Богородицы и Приснодевы Марии, еже бысть въ Сибирстемъ царстве близъ столнейшаго града Тоболска въ веси, нарицаемой Абалакъ, списано же бысть въ лето отъ создания мира 7155-го, по благословенію преосвященнаго Герасима, архіепископа Сибирскаго и Тобольскаго, в шестое лето по явленіи Пресвятыя Богородицы“. Но хотя въ заглавіи и говорится, что это сказаніе было „списано“, т. е. составлено въ 7155 (1647) году, однако на самомъ дѣлѣ происхожденіе

¹⁾ Сулоцкій А. прот. Описаніе наиболѣе чтимыхъ иконъ, находящихся въ Тоб. епархіи. Спб. 1864 г., 33 стр. примѣч.

²⁾ Ibid., стр. 38, примѣч.

его слѣдуетъ отнести къ болѣе позднему времени, такъ какъ оно, во-первыхъ, имѣетъ два предисловія. Очевидно, что позднѣйшій писатель, пользуясь древнѣйшимъ сказаніемъ объ Абалакской иконѣ, былъ недоволенъ первоначальнымъ предисловіемъ и составилъ новое, болѣе пространное. Во-вторыхъ, оно содержитъ въ себѣ еще „сказаніе извѣстно“ объ избавленіи Тобольска и его окрестностей „отъ зѣльнаго и безчисленнаго дождя“ и объ исцѣленіи Тобольскаго митрополита Корнилія „отъ зѣльнаго его болѣзни“ и кромѣ того—чудеса, бывшія отъ Абалакской иконы въ 1672—1675 годахъ. Этотъ списокъ XVIII в., принадлежащій нынѣ Тобольскому древлехранилищу, по всей вѣроятности, сдѣланъ не съ иной какой рукописи, какъ съ той Абалакской, которою пользовался прот. А. Сулоцкій. Это доказывается тѣмъ, что событія, относящіяся къ происхожденію Абалакской иконы, въ рукописи XVIII вѣка (№ 326) излагаются такъ же, какъ и у прот. Сулоцкаго, пользовавшагося Абалакской книгой. Впрочемъ, списокъ XVIII в. далеко не полонъ: онъ заключаетъ въ себѣ рассказы о 13 чудесахъ, бывшихъ въ XVIII в. отъ Абалакской иконы, тогда какъ въ Абалакской рукописи, по словамъ прот. Сулоцкаго, ихъ записано до 125. Очевидно, что рукопись XVIII вѣка представляетъ собою не полный и точный списокъ съ Абалакской книги, а только извлеченіе изъ нея. О томъ, что переписчикъ имѣлъ у себя подъ руками не сокращенную редакцію въ сравненіи съ Абалакской рукописью, а на оборотъ, самъ сокращалъ полное и подробное Абалакское сказаніе, объ этомъ свидѣлствуютъ внутреннія данныя текста рукописи XVIII вѣка, именно: на листѣ 40-мъ, послѣ сказанія „о чудеси Пресвятыя Богородицы 181-го лета февраля 19-го дня“, переписчикъ дѣлаетъ замѣтку: „послѣ того имелося чюдотвореней одиннадцать“, но ни объ одномъ изъ этихъ чудотвореній ничего не сообщаетъ, а прямо переходитъ къ сказанію объ исцѣленіи боярыни Салтыковой и о чудѣ надъ женой, не имущей чадъ. Этимъ послѣднимъ чудомъ и кончается рукопись XVIII вѣка. Очевидно, что переписчикъ дѣлалъ выборъ изъ всѣхъ повѣствованій о чудесахъ отъ Абалакской иконы и списывалъ только сообщенія о такихъ благодатныхъ явленіяхъ, которыя представлялись ему или его руководителю наиболѣе важными. Такимъ образомъ, рукопись XVIII вѣка, принадлежащая Тобольскому церковному древлехранилищу, и

согласная съ ней въ повѣствованіи о происхожденіи Абалакской святыни рукопись Абалакского монастыря не представляютъ собой первоначальной редакціи сказанія, писанной въ 1647 г., по благословенію архіепископа Герасима.

Но была-ли на самомъ дѣлѣ болѣе древняя редакція сказанія объ Абалакской иконѣ, обязанная своимъ происхожденіемъ временамъ архіепископа Герасима и именно 1647 году? И если была, то сохранился-ли хотя-бы одинъ списокъ этой первоначальной редакціи?— До самаго послѣдняго времени не было извѣстно ни одного списка сказанія объ Абалакской святыни въ его древнѣйшей редакціи: ни одинъ изъ мѣстныхъ сибирскихъ историковъ никогда не упоминалъ о существованіи гдѣ-нибудь такого списка, тѣмъ не менѣе въ настоящее время, благодаря учрежденію въ Тобольскѣ церковнаго древлехранилища, куда поступило изъ ризницы кафедральнаго собора довольно значительное количество старинныхъ неразобранныхъ и неизслѣдованныхъ рукописей, мы имѣемъ возможность дать на всѣ вышепоставленные вопросы отвѣтъ положительный. Въ числѣ поступившихъ въ древлехранилище старинныхъ рукописныхъ книгъ есть одна книга, „глаголемая Соборникъ“, значащаяся нынѣ по хронологической описи древлехранилища подъ № 271. Желая познакомиться съ содержаніемъ этого Соборника, мы увидѣли, что онъ почти весь писанъ полууставомъ XVII вѣка и только лишь одна статья въ немъ писана весьма красивою и бойкою скорописью того же вѣка. Заинтересованные этой статей, мы открыли ея заглавіе и, къ своему изумленію, прочитали: „Сказаніе извѣстно¹⁾ о чудеси, і о явленіи пресвятыя владычица нашей богородица и приснодѣвы маріа. всибирстемъ, вцарствующемъ граде Тобольске“. Такимъ образомъ, предъ нами было сказаніе объ Абалакской иконѣ, принадлежавшее уже несомнѣнно XVII вѣку. Но было-ли открытое нами сказаніе современнымъ архіепископу Герасиму? На этотъ вопросъ самый ясный отвѣтъ даетъ слѣдующая надпись, сдѣланная полууставомъ на нижнихъ поляхъ первыхъ листовъ этого Соборника: „Лѣта 4383 марта 11-де по благословенію великаго господина преосвященнаго Герасима, архіепископа Сибирского и Тобольского, и по изустной памяти богоявленскаго и пречистенскаго церковнаго дьячка Екима Савина ся книга Соборникъ

¹⁾ Очевидная описка. Слѣдуетъ читать: извѣстно.

отдана Богоявленію Господню и ко церкви Пречистыя Владычицы Владимірскаго по его Якимове душе и по ево родителехъ. Подписалъ подъякъ Якунка Никифоровъ“. Такимъ образомъ, въ 7156, т. е. въ 1648 г. данный Соборникъ уже существовалъ. По словамъ же прот. Сулоцкаго и рукописи XVIII в. (№ 326), первоначальное сказаніе объ Абалакской иконѣ было составлено въ 1647 году. Очевидно, что открытый нами списокъ сказанія былъ сдѣланъ въ первый же годъ по составленіи самаго сказанія. Это древнѣйшее, первоначальное сказаніе объ Абалакской святынѣ по своему содержанію значительно отличается какъ отъ того сказанія, которое помѣщено въ рукописи XVIII в., такъ и отъ того, которымъ пользовался прот. А. Сулоцкій. Укажемъ нѣкоторыя различія. Такъ, и въ рукописи XVIII в. и у прот. Сулоцкаго о первомъ видѣніи, бывшемъ вдовѣ Маріи, рассказывается, что Марія видѣла три иконы, стоящія на воздухѣ: въ срединѣ Знаменія Божіей Матери, что въ Новгородѣ, по правую сторону Николая Чудотворца и по лѣвую — пр. Маріи Египетской. Между тѣмъ, по смыслу первоначальнаго сказанія, въ первый разъ явилась Маріи не икона, а сама Богородица со св. Николаемъ и пр. Маріей Египетской. Есть разница и въ хронологическихъ датахъ самыхъ видѣній, бывшихъ благочестивой вдовѣ Маріи. Такъ, по словамъ прот. Сулоцкаго и по рукописи XVIII вѣка, первое видѣніе было 10 іюля 1636 г., а послѣднее (четвертое) 24 іюля того же года, между тѣмъ по первоначальному сказанію первое видѣніе было 12 іюля, а 26 іюля было только еще второе видѣніе. Впрочемъ, этимъ цифрамъ новооткрытаго сказанія нельзя придавать большаго значенія, такъ какъ онѣ вставлены тамъ иной, быть можетъ, уже поздней рукой и притомъ наобумъ. Встрѣчаются разницы и въ повѣствованіи о благодатныхъ явленіяхъ отъ чудотворной иконы. Напр., по Сулоцкому (а слѣдов. и по Абалакской рукописи), 12-е чудо отъ новоявленной Абалакской иконы состояло въ томъ, что крестьянинъ одного изъ селеній Тюменскаго уѣзда Іустинъ Ошкоковъ получилъ исцѣленіе отъ мучившей его падучей болѣзни. Въ рукописи XVIII в. объ этомъ чудѣ совсѣмъ не упоминается. Въ первоначальномъ же сказаніи (чудо 13-е) сообщается, что не самъ Іустинъ Ошкоковъ страдалъ чернымъ недугомъ и чудесно былъ исцѣленъ отъ этой болѣзни, а его сынъ.

Первоначальное сказаніе объ Абалакской иконѣ составленное, по благословенію архіепископа Герасима, въ 1647 г., было написано съ цѣлями назидательными. Поэтому оно носитъ характеръ не простого прагматическаго изложенія, а поучительнаго разсказа о событіяхъ, связанныхъ съ происхожденіемъ первой Сибирской святыни и о чудесахъ отъ нея бывшихъ. Это сказаніе писано по всѣмъ правиламъ агіологической литературы XVII вѣка и отличается большой претензіей на краснорѣчіе. О томъ, кто былъ авторомъ этого сказанія нѣтъ положительно никакихъ свѣдѣній, да едва-ли и явится когда-нибудь возможность рѣшить вопросъ объ этомъ старинномъ сибирскомъ писателѣ. Но во всякомъ случаѣ не можетъ быть никакихъ сомнѣній относительно того, что этотъ писатель былъ родомъ изъ Европейской Россіи. Среди сибирскихъ уроженцевъ, за отсутствіемъ въ Сибири школъ, тогда еще не могло быть искусныхъ писателей. Да внутреннія данныя самого текста показываютъ, что писателемъ этого сказанія былъ человѣкъ, недостаточно знакомый съ природой Сибири. Такъ, напр., говоря объ исцѣленіи слѣпой дѣвицы Евдокіи Полуяновыхъ (чудо 4-е), авторъ замѣчаетъ, что она не различала дня отъ ночи и „отъ каменнаго претыканія нозѣ ея отерпоша“. Между тѣмъ въ окрестностяхъ Тобольска нѣтъ и не было никакихъ камней.—Отноительно языка новооткрытаго сказанія нужно замѣтить, что онъ ничѣмъ не отличается отъ языка прочихъ произведеній агіологической литературы XVII вѣка, хотя въ этомъ сказаніи встрѣчаются рѣдкія славянскія слова и даже старорусскія грамматическія формы. Такъ, напр., въ единственномъ числѣ родительный падежъ нѣкоторыхъ именъ женскаго рода по окончанію иногда бываетъ сходенъ съ именительнымъ: „явленіе Пресвятыя Владычица наша Богородица“ (вмѣсто: Владычицы—Богородицы), „отпадохомъ отъ божественныя рай пища (вмѣсто пищи). Къ малоупотребительнымъ славянскимъ словамъ, встрѣчающимся въ этомъ сказаніи, слѣдуетъ отнести: „очивѣсть“ (лицомъ къ лицу, предъ глазами), „опако“ (назадъ, навыворотъ), „казатель“ (учитель), „устробитися“ (получить облегченіе) и др.

Это первоначальное сказаніе предлагается нами вниманію любителей церковной старины въ томъ самомъ видѣ, въ какомъ оно помѣщено въ Соборникѣ XVII вѣка, т. е. со всѣми его ореографическими особенностями, исключая лишь знаковь препинанія,

которые въ текстѣ сказанія разставлены нами. Что касается заглавія, то оно оставлено нами съ тѣми же самыми знаками препинанія, какіе стоятъ въ подлинникѣ.

Свящ. А. Ю.

**Сказаніе извѣстно о чюдеси, і о явленіи. пресвятыя владычица
нашея богородица и приснодѣвы маріа. всибирстемъ, вцар-
ствующемъ граде тобольске.**

Всемогий Богъ, милости ради своего человѣколюбія, весьма промышляя о своемъ созданіи, и своя Божественная хотѣнія яве творить притчами и чудеса различными человѣческому естеству, свободжая отъ дияволя порабощения, но привлекая к своему триипостасному Божеству. Искони бо Троица Богъ нашъ—Отецъ и Сынъ и Святый Духъ, о нашемъ спасеніи всяко промышляя, якоже сотвори первозданнаго человѣка Адама, к семуже и мы вси припрягохомся плотию во едино подобие. И сотвори насъ Богъ с нимъ быти в рай пища, еже насъ ради насади во Едеме на востоце. Сей же первозданный и мы с нимъ вси купно отпадохомъ отъ Божественныя рая пища, и смерти и тли подпадохомъ по дияволю искушению и преступницы быхомъ Божиихъ заповедей. Всемиловитый же Богъ нашъ, множества ради своего человѣколюбія, посла Сына своего едиnorodнаго спасти рода человѣча, и в пречистое дѣвическое ложеcно вселися и плоть содушну словесну жь и умну примъ изволениемъ и ізыде Богъ воплощенъ, родився неизреченно и дѣвство сохранилъ нетлѣнно, и примъ рабии зракъ истинною, а не мечтаниемъ, но всячески намъ подобенъ былъ развѣ греха. Волею трудиcя, волею пострада, волею умре безгрѣшный нашего ради спасения, и воскресе тридневенъ, истлѣнія же не виде, и человѣческій родъ безъ (!) истлѣнія свободи, и на небеса вознесся, но никакo же отъ насъ не отлучаяcя, но воия любящимъ Его: Азъ есмь с вами и никто же на вы. О новый израилью! слышите Божіе милосердіе и смотрѣнія к намъ человѣкомъ, како печется о нашемъ спасении, якоже обѣщася намъ: Азъ есмь, рече, с вами, сирѣчь не отступлю отъ васъ и не дамъ в попроаніе врагомъ вашимъ и избавлю отъ сѣти вражия. Но убо збытcя намъ реченное предъ очию нашею во дни и роды наша, еже очи наша видеша и ушеса наша слышаша, яко содѣяся в новопросвященномъ мѣсте,

идѣже древле оляденѣвшая сердца невѣрнемъ помрачашеся і кумиролужения и бесобоязнія исполнено бѣ.

Оле Божіе милосердіе и строение спасительное! Древле убо Сибирская земля тмою безвѣрія помрачашеся, ныне же благовѣриемъ сияя и Божественными чудесы прославляема. Тогда осквернися земля кровопролитіемъ къ идоломъ богомерскихъ жрецовъ, ныне же освятится и очистится приносимыми безкровными дары Господеви Богу нашему. Тогда нечестіе, нынѣ же благочестіе; тогда чловѣцы яко во тмѣ в безвѣрії быша, ныне же во свѣте непорочныя вѣры пребывающе присно. Тогда оляденѣвшая сердца невѣриемъ помрачашеся, ныне же Божественное сѣмя всѣяся в нихъ, и евангельски духовно породися и из невѣрія быша вѣрни. Тогда дѣйства и мечтания бесовская, ныне же Божественная чюдеса и явленія Божія Матери содѣяся, еже ныне, упова на Бога, хощу предложить повести сія всѣмъ во услышание, понеже обретохъ писание, глаголющее сице: таину цареву лѣпо крыти, дѣла же Божественная проповѣдати честно есть, инде же глаголетъ добро и души утѣшно.

В лѣта 4374-е мѣсяца іюля въ день ѿ, при державе благочестиваго государя царя и великого князя Михаила Ѳеодоровича всея Русіи самодержца, святыя жъ и великія соборныя и апостольскія церкви в царствующемъ граде Тоболске кормило правящу тогда пресвященному Нектарию архиепископу. В первое же лѣто святительства его, прииде в соборную церковь Соѡѣи Премудрости Божіи из веси нарицаемая Абалакъ вдова именемъ Марія, и повѣда Нектарію архиепископу предо всѣмъ соборомъ, паче же и предо всѣмъ народомъ, не обинуясь сице глаголя.

Первое явленіе Пресвятыя Богородица.

Спящу ми, рече, на ложи своемъ, і явился мнѣ во снѣ Пресвятая Богородица со святымъ чудотворцемъ Николаю і с преподобною Маріею Египетскою, азъ же исполнихся трепета и ужаси. Глагола же ми Пресвятая Богородица во снѣ томъ: се заповѣдаю ти, да возвѣстиши во всемъ мире явленіе мое к тебѣ и да речеши имъ мое заповѣданіе. Се же имъ заповѣди моя, да созиждутъ церковь нову на Абалаке во имя мое Знаменія, иже в великомъ Новѣ-граде, в предградіи же обаполы во имя Николы Мирскаго архiereя и Маріи Египетскія, одесную страну ветхія церкви Преображенія Господня. Тако жъ явимися дважды,

сія жъ глаголы возвещающую ми. Азъ же сему не яхъ вѣры, яко истинна суть, но мнѣхъ сонъ зрѣти и ни во что же вменихъ бывшее і никому сего явленія не повѣдахъ, но слогахъ в сердца своемъ, дондеже паки явимися.

Благодареніе Богови.

Слышите, людие Божии, яко снабдитъ Господь страну сию. Благодаримъ Содѣтеля Бога, яко наставляя насъ на спасительныя вещи, и ради истиннаго свидѣтельства предповелеваетъ пренепорочней своей Матери чудеса творити, съ нею же и угодники своя посылая, яко да послужать царицы і не будетъ уединена.

Второе явленіе.

Таже вдова Мария повѣда, глаголя: того жъ лѣта мѣсяца іюля въ ѿзденъ, шедшу ми, рече, из клети своея, держахъ в руцѣ своей хлѣбъ, и абие прииде на мя яко мракъ и умомъ смятохся и падохъ на землю яко мертва. И озрѣхся видехъ икону Пресвятыя Богородица, вторую жъ икону Маріи Египетскія и очивѣсть святаго Николу, яко жива суща, во святительстей одежди стояща. Азъ же отъ видѣнія сего наипаче убояхся і вниде трепеть в кости моя. Рече же ми святой Николае: востани, не бойся, но иди на погость Абалацкой и рцы во всемъ мире; идѣ же кого обрящещи, да глаголеши имъ не обинуяся. По прекрещенному ти глаголю, яко да созиждутъ церковь нову во имя Пресвятыя Богородица. Лѣсъ же на ту новозиждемую церковь да повелиши людемъ своими труды посѣщи и приплавити водою и положить его, идѣже повелѣся прежде создатися церкви. Аще ли презрятъ сие повелѣніе и твое извещеніе ни во что вменятъ, то явити имать Господь казнь свою на нихъ и сами узрятъ будущая имъ в послѣднихъ озлобленіихъ. Аще ли исполнять по глаголу моему, то Господь Богъ умилосердится имъ и исполнятся гумна ихъ жита довольно і во всемъ мире миръ и здравіе и дасть. Азъ же, яко отъ сна возбудихся, никого же видехъ и сего паки никому же повѣдахъ бывшаго ми явленія.

Третіе явленіе.

Еще же сія Мария повѣда намъ. По вторемъ же, рече, явленіи, сидящу ми въ дому своемъ едина, і внезапно исполнися храмина моя дыма благоуханна, яко оимияна, азъ же ужасохся и яко внѣ ума своего быхъ, і видѣхъ двѣ иконы на воздусе стоящи. Едина икона Пресвятыя Богородица, вторая же Маріи Египетскія. Святой же Николае

наки очивѣсть явимися въ ризахъ свѣтлыхъ. И глагола ми святой Николае: Марія! почто явленія Пресвятыя Богородицы не повѣдаеши в мире; не вѣси ли, яко озлобленіе ти есть за твое невѣріе? И абие обратишася руцѣ мои опако, и болѣзнено ми бысть, и падохъ на по-мость яко мертва. Слышахъ же сладкій гласъ ото иконы Пресвятыя Богородица, глаголющъ: тягость есть и не возможно ей тако терпѣти. И абие обратишася руцѣ мои яко же бѣ и первіе. Азъ же отъ стра-ха того много болѣзновахъ и недоумѣвахся, что ми напоследокъ. По не мнозѣхъ же дней мало отъ болѣзни устрабихся і идохъ ко отцу мо-ему духовному і возвестихъ ему вся подробну прежнія и сія явленія, яже видехъ и яже слысахъ отъ Пресвятыя Богородицы, и молихъ его, дабы повѣдалъ в мире, яже исповѣдахъ ему. Сему же умолчавшу и никому же повѣдающе сихъ.

Четвертое явленіе.

Божій Промыслъ не закосневаетъ, но паче на успѣхъ бываетъ, якоже прежде Божіе мановеніе коснуся насъ, хотящее спасенія нашего: не хочетъ бо смерти грѣшнымъ безъ покаянія, но ожидаетъ благій Казатель путь спасенія нашего, многія знаменія и явленія и чудеса угодникі своими являетъ на пользу намъ. Аще-ли же не возбудимся яко отъ сна и не вонмемъ благая в сердца своя, тогда обрящемся в послѣднихъ озлобленіихъ, глаголюще сице: не сердце-ли бѣ горя бѣ в наю, егда глагола намъ жена она повелѣнія Пресвятыя Богородица, яко снабдитъ Господь страну нашу. И повелѣнія Божія не содѣяхомъ и одебелѣша сердца своими тяжко. Сего убо ради, ища нашего спасе-нія, Господь, и дондеже не приидетъ на ны казнь Божія за невѣріе наше, будущая намъ озлобленія яве творить, да быхомъ познали и разумѣли, яко судьбы Божія неиспытанны, яко же вдова она Марія повѣда намъ сице: идущу ми, рече, во граде Тобольске подгорию и быхъ яко во мраце і видехъ, яко облаченъ столпъ до небеси досязаемъ. В томъ же столпѣ явися мнѣ святой Николае тако жъ, якоже и преж-де в свѣтле одеяніи. И наки видехъ двѣ иконе—едину Пресвятыя Бо-городица и едину Маріи Египетскія на воздусе стоящи. Азъ же стояхъ на долгъ часъ і възмяхся умомъ и быхъ яко мертва. Рече же ми святой Николае съ яростию: аще прежняго и днешняго явленія не возвестиши мирови, будеши разслаблена; аще-ли же повѣдаеши наро-домъ, они же ни во что вмѣнятъ и по прежнему явленію не воздвиг-

нутъ церкви Пресвятей Богородицы, идѣже повелѣнно прежде, то казнь Божия имать быти на все народное множество, яко не вѣроваша. Азъ же убояхся наипаче и не могущу ми двигнутися с мѣста того, идѣже стояхъ, и на многъ часъ тако трудихся и едва изыдохъ отъ мѣста того, и абие являшаяся мнѣ невидима бысть. И паки идохъ ко отцу моему и возвестихъ сия, и начахъ в мире повѣдати вся подробну, еже видехъ и яже слышахъ и дерзостне начахъ повѣдати вся.

Чюдо ѿ. О разслабленемъ.

По сему же явлению вси христоименитїи людие града Тобольска, по совещанию всего християнства, обещахася воздвигнути церковь на Абалаке во имя Пресвятыя Богородица честнаго ея Знаменія, иже в Великомъ Новѣ-граде, въ предѣлахъ же—Николы чудотворца и Марїи Египетския, і испросивше благословение у пресвященнаго Нектарія архиепископа, еже і воздвигнуша. Нѣкій же человѣкъ именемъ Евѡимїй, прозвище Кока, в разслабленїи всѣмъ тѣломъ своимъ, яко ни единымъ удомъ телеснымъ владѣти можаше и тако многи дни в томъ недуге проводилъ. Увѣдавъ же отъ ближнихъ своихъ, яко по явлению вси православнїи людие начаша созидати церковь на Абалаке во имя Пречистыя Богородица, и помолися Богу и Пречистой Его Богоматери и обещахася написати образъ мѣстной Пречистыя Богородица Знаменія, иже в великомъ Новѣ-граде, иже во святыхъ отца нашего Николы Миръ-ликїйскихъ чудотворца и преподобныя Марїи Египетския. И якоже обещахася, и абие, еще сущи молитве во устѣхъ его, бысть облегчение болѣзни его и мало укрепился удесы своими. Видевъ же себѣ облегчение, наипаче возгорѣлся ревностію желанія своего, яко да исполнитъ обещаніе свое и безо всякаго закосяѣнія повелѣ иконописцу святыя иконы написати. По мале же времени иконописецъ иконы Пречистыя Богородица и святаго Николы и преподобныя Марїи Египетския написа на единой дскѣ елико подобаше. Егда же совершена бысть причистая икона, и абие человѣкъ онъ бысть весь здоровъ і воставъ прииде во градъ і взять у иконописца святую икону и, своими руками любезно подѣмъ, принесе во святую соборную церковь Соѡѣи Премудрости Божїи. Повѣдано же бысть о бывшемъ преславнемъ чюдеси, яко разслабленный прежде бывый человѣкъ онъ принесе пресвятую икону во святую соборную церковь своими руками. І возгорѣлся духомъ благодарственныхъ молитвъ со всеосвященнымъ соборнымъ Богови и Пречистой Богородицы воздаша, пѣ-

ша молебная согласная пѣнія, и поставиша пречистую икону в соборней церкви, и отоидоша в дома своя, радуясь духовне о Бозе.

Чудо ѿ-е, о слепой дѣвице.

Божественный пророкъ Иезекѣиль яко отъ лица Божия къ па-
стыремъ глаголетъ: сыне чловѣчъ, стража дахъ ты дому израилева,
слыши отъ мене слово и запретиши имъ, и аще засвидѣтельствуеши
имъ и не отстануть отъ беззаконій своихъ, во гресѣхъ своихъ ум-
рутъ, ты же чистъ пребудеши; аще-ли же не засвидѣтельствуеши
имъ, кровь ихъ отъ руки твоея взыщу. Ино же писание глаголетъ:
подобаетъ паствующимъ всегда о стаде своемъ попечение имѣти и
неослабно и тщательно о сихъ прилежати. Сему же послѣдующе, пре-
священный Нектарей архиепископъ, попечение имѣя о порученней ему
отъ Бога пастве о многочисленномъ христіанстемъ народе, паче же о
сихъ прилѣжне подражая, о божественемъ орудии, еже о Святѣмъ
Дусѣ порученныя ему чада града Тобольска, — христоименитіи людие
обещашася волю і хотѣние Божия Матери содѣяти, еже создание
храма на Абалаке по явлению, иже прежде рекохомъ, — повелѣ сии
архиепископъ прежереченную святую чудотворную икону нести на Аба-
лакъ, идѣже созидашеся святыи храмъ ея, священникомъ же и дья-
кономъ вослѣдовати ей повелѣ. Егда же понесоша сию пресвятую мо-
лебную икону, народи мнози вослѣдующи иноцы и інокія, мужи и
жены, старый и младіи і всякъ возрастъ приключиися быти тогда,
не просто бо идуще, но свеща имуще, священникомъ же и дьякономъ
молебная пѣнія возсылающимъ и тако двадесять поприщъ идуще,
толико отстоятъ Абалацкая весь отъ града Тобольска. Егда же
соша сию святую икону і отоидоша отъ града пять поприщъ и дои-
доша веси Шанталыкъ именуема. Близъ же тоя веси живяше чело-
вѣкъ именемъ Василей, архиепископъ крестьянинъ. Узрѣвъ сию чу-
дотворную икону и падъ, со слезами моляся: бѣ бо дщи ему девица
слепая, не виде солнечнаго сиянія два лѣта, — дабы милость получи-
ти отъ Пречистыя Богородица, яко да прозритъ, и обещаея приложити
къ той чудотворней иконе, приложити серги тоя дщери своея, иже но-
шаше. Пришедшу же ему в домъ свой, и абие дщи его прозрѣ и
здрава бысть, и прославиша Бога и Пречистую Его Матерь за быв-
шее чудо Пресвятыя Богородица.

Чюдо ꙗ. О нѣкоемъ мужи.

Господь гордымъ противится, смиреннымъ же и подобострастнымъ, и сердце имущимъ сокрушено, и вся божественная дела подражающимъ, о своемъ же спасеніи промышляющимъ даетъ благодать свою; горделивымъ же и превозносящимся и о всякомъ божественномъ орудіи нерадящимъ томления и казни различными прилоги наводими бывають. Но не до конца даетъ погибнути; наки милосердіе свое даруетъ і наки промысление бываетъ, да не порабощено будетъ дияволу чловѣческое естество, но приидеть въ покаяние и приметъ милость, якоже в чюдеси семъ извѣстно будетъ, яко етеру мужу ключися в сия страсти впасти и послѣди покаяниемъ милость получи. По совещанию убо всего христіанскаго народа, иже попечение имѣющей о Божественномъ орудіи, посланъ мужъ етеръ именемъ Антоней с пречестнымъ образомъ Пресвятыя Богородица во область сибирскаго царствія во грады же и веси собирати на церковное зданіе и украшение новозидемя церкви, иже есть на Абалаке. Прииде же сей презреченный мужъ во градъ, нарицаемый Верхотурье. Правовѣрнии же людие чудотворней иконе велию честь и колѣнопреклоніе и целование воздаша, слышаще отъ нея неизреченную милость. Овиі Пречистей Богородицы пѣша молебна, овиі же чудотворней иконе ея приклады приложиша, і вси туне милость получиша. Пришедшу же сему мужу со Пречистою іконою в домъ етера мужа іменемъ Ондрѣй, рекомый Перхуровъ, і испроси у него, да воздасть елико на зданіе и на украшение церкви оной. Онъ же слышавъ, яко со пречистою иконою придоша в домъ его, и не изыде во срѣтеніе сея чудотворныя иконы и поклонения и целования не дасть, но вражиимъ научениемъ неистовые глаголы отъ сердца своего испусти. Многія, рече, собиратели на церкви собирають, и беду, а не собратели нарицаше, и посла мужу оному четыре денги, самъ же не изыде, отверже отъ себе сицевая, яко честь образа к первообразному существу восходитъ. И сего ради абие и отомщеніе примъ, Пресвятая же Богородица прославися о чюдеси своемъ. Преже реченный же мужъ съ пречистою иконою отоиде отъ дому сего в монастырь тоя же верхотурскаго области, рекомый Нейвинская пустыня: преславныхъ бо чудесъ ея ради повсюду желаше ходити с тѣмъ пресвятымъ и чюдоцелбнымъ образомъ, понеже мнози слышаша таковая

превеликая чюдеса, тщахуся видѣния сподобитися чудотворней сей иконе і милость восприяти желаху. Егда же отоиде мужъ онъ отъ дому Андрѣева, и абие в той часъ впаде в недугъ зѣло лють, огнемъ жегомъ бысть і всемъ теломъ разслабѣ и языкъ его отъся и пѣны точа с кровию. І воспомяну грѣхъ свой, еже согрѣшихъ предъ святою Богородицею, і вскорѣ посла по прежереченнаго мужа, оного Антонія, да бы возвратился зъ Богородичною иконою в домъ его. И егда же приспѣ неистощимая она радость и незамедленная скорая помощница в домъ Андрѣевъ, жена жъ и дѣти ево со многими слезами вѣдоша ево на стрѣтение чюдотворного оного образа. Онъ же воспомянувъ грѣхъ свой і воздохнувъ со слезами предъ чюдотворнымъ образомъ Пресвятыя Богородицы, и призва в домъ свой священники и клиросники и нача молебная пѣния і воду святити, и по совершеніи молебнаго пѣния и по освященіи воды, приведоша его к чюдотворному образу Пресвятей Богородицы. Онъ же едва поклонение сотворивъ: помогоша ему людие и приложиша его ко святѣй иконе и целеною отрѣ очи и главу и устне его і водою священою покрывше. И абие незамедленная она скорая помощница вскорѣ милость свою дарова, и изцеление получи Андрѣй. И упокоивъ прежереченнаго мужа оного Антонія в дому своемъ, и отъ имѣния своего Пресвятей Богородицы и святителю Николѣ и Маріи Египетской на сооруженіе пресвятого ихъ храма подасть десять златникъ, серебряныхъ же числомъ три рубли московскую, да хлѣба полчетверти ржи, и проводи изъ дому своего пресвятую икону честнѣ с поклоняніемъ и со многими слѣзами, хвалу и славу воздая Пресвятѣй Богородицы и угодникомъ ея.

Чудо ѿ. О слепои дѣвице.

Якоже веснѣ приспѣвшей, источники исполняются текущихъ водъ, наипаче день отъ дне прибывающа вода; и яко шипокъ мало процвѣтшій процвѣтаетъ днесъ, тако заутра же благообразнѣйшъ и краснѣйшъ и дебѣлоцвѣтенъ является, такоже и чюдеса Пресвятыя Богородица простирающеса присно. Всегда бо призываема предваряетъ на помощь нашу, якоже исповѣмъ дѣла божественная: преславно бо слышаніе во ушию вашею водрузитися иматъ мыслѣнне. Воистину велие чудо Божия Матери паки содѣяся в лѣто 4395 году мѣсяца іюля въ 31 день. Приведоша к сѣй чюдотворней иконе нѣкую дѣви-

цу имѣнемъ Евдокѣю Полуяновыхъ, четырнадцать лѣтъ не виде очима своими солнечнаго облистания і всего благообразнѣйшаго и благолѣпнаго небеснаго красованія, но яко во тмѣ пребывающу, не разумѣ дни и нощи, но едино имѣ день и нощь, и отъ каменнаго претканиа нозѣ ея отерпоша. Егда же ввѣдоша ея во церковь Пресвятыя Богородицы, она же со слѣзами милости просяще у Пречистыя Богородицы, стенание і въздыхание отъ сердца испущающе; пѣвъ же молебѣнъ, отведоша ея въ домъ свой. Егда же прииде въ домъ свой, и абие нача видѣти солнечное облистаніе, она же наипаче молящися день и нощь: исхождаше бо молитва ко Пречистой Богородицы изъ устъ ея день и нощь. Приложи же ко образу Пречистыя Богородицы в прикладъ чешь сребряну и крестъ сребренъ, еже сама носаше о выи своей. И помысли попоститися и милости просити у Пречистой Богородицы, и постися. Приведоша же ю паки южники ея и ближняя ея ко пречистому чюдотворному образу Пречистыя Богородицы. Она же увиде чюдотворную икону і вѣнецъ на главе ея, і всехъ людей во церкви узрѣ, и нача видети очима своими, слава Бога и Пречистую Богородицу. И пѣвъ молебна отъиде въ домъ свой радуясь.

Чудо ѿ. О кузнецѣ.

В лѣто 4385 году февралѣ въ 7 день прииде на Абалакъ нѣкій человекъ имянемъ Іванъ Матѣевъ сынъ кузнецъ з женою своею и повѣда приключшееся быти ему. Спящу ми, рече, на ложи своемъ і видехъ во сне, яко нѣкій человекъ прииде ко мнѣ и удари мене во главу и рече ми: почто обѣщанія своего не исполниши, еже обѣщася итти на Абалакъ пѣти молебна Пресвятей Богородицы и Николе чюдотворцу и Маріи Египетцкой? Воставшу же ми, глава моя боляше. Но азъ се видѣние ни во что вменихъ, но в сонное видѣніе прѣменихъ. Прежде же сего відѣніа обѣщавшумися итти на Абалакъ Пречистѣй Богородицы и Николе чюдотворцу и Маріи Египетцкой пѣти молебна и неидохъ, поне не твердо вѣру имуще и закоснехъ за орудіемъ своимъ, яко всегда непраздна себѣ помышляхъ. В четвертый же день по видѣніи сѣмъ, видехъ во сне паки,—прииде ко мнѣ той же человекъ и рѣче ми: окаянне! почто обѣщанія своего не исполниши? узриши въ будущихъ ти и да разумѣши тогда, яко преступившу ті обѣщаніе свое. Воставшу же ми отъ ложа своего, и

умы лицъ свое и помолися Богу, и по молитве идохъ въ кузницу свою паки на свое орудіе. Се же видѣніе паки видѣніе (?) ни во что вѣдѣнихъ, і въземъ желѣзо, разже и ударихъ млатомъ, и абие оторжеся ото женнаго желѣза часть и летѣ и удари мене во главу. Азъ же падохъ яко мертвъ и быхъ безъ памяти. Предстоящая же ту же приключшаяся пояша мя і внесоша в домъ мой, азъ же тако лѣжахъ безъ памяти до утрія. И абие яко отъ сна возбудихся, очи же мои бѣ ослѣпленіи, і яко не могущу ми ні возвести очію ні вѣкома. Азъ же воспоминаю грѣхъ свой, яко согрѣшившу ми, обѣщаніе свѣ преступихъ і видѣнія ни во что же вѣдѣнихъ. И помолихся Святѣй Богородицы и отпущенія своему согрѣшенію испросихъ. И паки обѣщахся исполнити обѣтъ свой. В четвертый же день милость получихъ отъ Пречистыя Богородицы, и бысть оною болезнію здравъ, яко ніколи же поболе. Пѣ же молебна чловѣкъ сей Іванъ Пречистей Богородицы и Николе чюдотворцу и Маріи Египетцкой, возвратися в домъ свой, радуясь и славя Бога и Пречистую Его Богоматерь и угодника ихъ великаго святителя і чюдотворца Николу.

Чудо 3-е. О нѣкоторомъ поселянине.

Ино чудо повѣда намъ нѣкто отъ простыхъ поселянъ града Тобольска именемъ Григорей Семеновъ. Прииде на Абалакъ ко Пресвятѣй Богородицы по обѣщанію своему помолитися, и по совершеніи молебнаго пѣнія самъ о себѣ повѣда. Былъ де язь в немощи полугодичное врѣмя, огнемъ жегомъ бысть и утроба моя окаменела, ничтоже во уста моя вниде ястия или пития, и свои ближніи мои обращаху мя, а самъ отъ таковыя зельныя болѣзни не возмогохъ обратитися никамо. И егда же обѣщахся итти на Абалакъ ко Пресвятѣй Богородице помолитися, і в той часъ и здравіе получи.

Чудо седмое.

В тоже врѣмя того же града Тобольска изъ веси, глаголемая Кугаевъ погостъ, приде чловѣкъ имянемъ Іванъ, прозваніемъ же Смирной, и повѣда: былъ де сынъ мой боленъ, очми не видя; из очей у него кровь истекала безпрестанно. И егда обѣщалися Пресвятой Богородицы на Абалаке молебенъ пѣти, і в той часъ и изцелѣніе получи и очи у него, якоже и прежде зараніе, стяжа. И пѣвъ молебная, и отъиде в домъ свой, славя Бога, Пречистую Его

Матерь и угодниковъ ихъ великаго святителя Николу и преподобную Марию Египетскую.

Чюдо ѿ.

Многа же и неизреченная чюдеса отъ образа Пресвятыя Богородицы и изцѣления многа бывахъ не токмо во граде Тобольске і во окрестныхъ весехъ, но і во всехъ сибирскихъ градахъ. Елико же слышаху, инии же сами видевше и другъ другу повѣдаху. Нѣкоторый человекъ града Тюмени именемъ Степанъ Гавриловъ сынъ повѣда о себѣ: былъ де язь боленъ очми, не видѣлъ годищное время, ближніи мои провождаху. И обѣщахся итти на Абалакъ ко Пречистой Богородице и къ ея угодникомъ помолитися, и абие милость свою излия на мнѣ Пресвятая Богородица, подала здравіе, очми свѣтъ видѣти даровала, якоже и первіе. И пѣвъ молебная, і возвратися в домъ свой.

Чюдо девятое.

Якоже отъ неизчерпаема кладязя вода, такоже и отъ образа Богоматери бываху. Приде нѣкій человекъ, имянемъ Оома Никифоровъ отъ веси глаголемая Киргинская слобода, вверхъ рѣки Невьи, близъ града Верхотурья и повѣда о себѣ: былъ де онъ отъ трясавицы одержимъ недѣль з двенатцать и отчаявся живота своего. И егда же обратихся и призвахъ на помощь Пресвятую Богородицу. Она же милость свою вскорѣ дарова, и изцѣленіе получихъ и донывъ здоровъ. И пѣвъ молебная Пресвятей Богородицы и угодникомъ ея, і возвратихся въ домъ свой радуясь.

Чюдо 10.

Приде на Абалакъ ко Пречистѣй Богородице помолитися чудотворному ея образу и угодникомъ ея человекъ нѣкій града Тобольска, имянемъ Лука Аѳонасьевъ сынъ, прозваниемъ же Кызыловъ, и повѣда о себѣ: былъ де язь боленъ полугодищное врѣмя нутряною болѣзнію и сердцемъ, и обѣщахся итти на Абалакъ помолитися Пресвятей Богородицы і в той часъ здравіе очютихъ утробою и сердцемъ, якоже и преже. И пѣвъ молебная пѣнія, и возвратихся в домъ свой, славя Бога и Пречистую Богородицу и ея угодниковъ.

Чюдо 11.

І иное чюдо, приѣхавъ на Абалакъ, повѣда нѣкто посѣлянинъ того же града Тобольска изъ веси глаголема Шондина, имянемъ Ва-

силей Івановъ, прозваніемъ же Шондинъ, сказа: сынъ-де мой боленъ былъ, томимъ отъ бѣса, рекомымъ чернымъ недугомъ одержимъ, да сестра-де моя дѣвица Соломонія четырнадцать лѣтъ очми не видѣла четыре года, и язъ-де обѣтъ положилъ, что на Абалакъ ѣхавъ Пречистой Богородице помолитися. И по моему обѣщанію, сыну моему и сестре моей отъ тѣхъ недуговъ исцелѣние Богородица даровала. И пѣвъ молебная пѣнія и приложася къ чудотворнымъ образомъ ко Пречистой Богородицы и ко святителю Николѣ и преподобной Маріи Египетской и пелѣнами отре, и прикладъ, по силе своей елико возможно, приложиша. И поѣхавъ в домъ свой, и конечное многое здравие стяжа и получи.

Чудо ѿ. О глухомъ.

Оттогда же и доннѣ неизреченная и безчисленная чюдеса содеваются отъ чудотворнаго образа Пресвятыя Богородица и отъ ея угодниковъ. Человѣкъ нѣкій града Тюмени имянемъ Денисъ Степановъ приде на Абалакъ з сыномъ своимъ Ѡаддѣемъ и повѣда намъ о себѣ: былъ-де язъ глухъ ушима, не слышалъ звону и человѣческая рѣчепия, а сынъ-де мой Ѡаддей лежалъ боленъ, отъ трясавицы мучимъ, недѣль оба по десяти и больше. И обѣщалися ѣхати на Абалакъ помолитися Пресвятей Богородицы, і в той часъ исцелѣніе прияли оба и доннѣ. И пѣвше молебная пѣнія, и отъидоша в домъ свой радуясь.

Чудо ѿ. Одержимемъ нечистымъ духомъ.

Еще же повѣдаю вамъ еже содѣшася отъ образа Пресвятыя Богородица чудо. Инъ нѣкто града Тюмени посѣлянинъ имянемъ Густинъ, прозваніемъ же Ошкоковъ, по обѣщанію своему молебна пѣти и сказалъ: былъ де сынъ боленъ, чернымъ недугомъ одержимъ, томимъ отъ неприязни лукаваго діавола. И слышахъ неизреченная чюдеса отъ Пресвятей Богородицы, еже содеваются на Абалаке и исцелѣнія многа бывають. Азъ же обѣщахся ѣхати и помолитися тому чудотворному святому ея образу, і в той часъ и здравие сынъ мой получи. И пѣвъ молебная пѣнія, и отъиде в домъ свой радуясь, славя Бога и Пречистую Богородицу і великого святителя и чудотворца Николу и преподобную Марию Египетскую.

Сообщилъ Свящ. А. Юрьевскій.